

饗赤縣出班起居人物清脩上目送之中書因薦其才除監察御史兼崇政殿說書劾京尹顧岳託婚東宮以希內授岳坐免官婚亦寢朝野悚然亦以此忤旨尋遷大理卿歸築室曰香晚不復仕

吳季子字季翁雲程人年十七領鄉薦登嘉熙二年進士第爲建寧政和尉與兄洪德雄飛齊名時號三吳子必先字太初亦有名

項虎鼎字子文質厚學純年十八魁咸淳七年登進士第爲武康尉值宋運訖錄乃棄官而歸

許繼先家貧少力學淹貫經史咸淳間以春秋領鄉薦仕至宣教郎祕書省檢閱文字

元

宋夢鼎字翔仲號靜齋與弟季武俱明春秋夢鼎少侍父讀書遂安山中一日散步忽聞神祠鐘鳴謂有扣者至則寂然歸以告父父曰汝後必貴夢鼎復詣祠曰吾果貴鐘宜復鳴既出而復鳴者三至順元年登進士第爲婺源州同知轉奉議大夫知奉化州季武中至正乙科

汪汝懋字以敬西隅人號遜齋至正間以春秋乙